



# 地方志

叢刊續編



日  
本  
藏  
中  
國  
罕  
見

北京圖書館出版社

殷夢霞

選編

日本藏中國罕見

地方志

叢刊續編

第 4 冊

北京圖書館出版社

# 第四冊目錄

【嘉靖】山陰縣志(二).....	一
【康熙】常山縣志.....	一一五



山陰縣志卷第九

知山陰縣東郡許東等修 汪揚聖聖修 邑人張復柳森傳終

人物傳

隱逸傳 烈女傳

趙畢字長君少嘗為縣吏奉檄迎督郵畢恥於厮

後遂棄車馬去到犍為詣杜撫受韓詩究竟其

術積二十年絕問不還家為發喪制服畢卒業

乃歸州召補從事不就後舉有道卒于家著吳

越春秋詩細歷神淵蔡邕至會稽讀詩細而摩

息以為長於論衡邕還京師為學者誦而傳之  
**晉**謝敷字慶緒性澄靖寡欲入太平山十餘年辟命  
皆不就初月犯少微一名處士星占者以隱士  
當之時譙國戴逵有美才人或憂之俄而敷死  
越人以嘲吳人云吳中高士求死不得死

**宋**朱百年少有高情攜妻孔氏入會稽南山以伐藥  
採箬為業以藥箬置道傍輒為行人所取明日  
已復如此人稍恠之積久方知為朱隱士所賣  
須者隨其所堪多少留錢取藥若而去或遇寒  
雪藥若不售無以自資輒以榜船送妻還孔氏

天晴迎之好飲酒頗言玄理時爲詩詠有高騰  
之言隱迹避人唯與同縣孔頴友善頴亦嗜酒  
相得輒酣對盡懽顏竣爲東揚州餉百年米五  
百斛不受後卒山中蔡興宗爲會稽太守餉百  
年妻米百斛妻遣婢詣郡明奉辭固讓時人美  
之以比梁鴻妻云

孔祐敬康曾孫也至行通神隱於四明山嘗見山  
谷中有數百斛錢視之如瓦石不異采樵者競  
取入手即成沙礫曾有鹿中箭來投祐祐爲之  
養創愈然後去太守王僧虔欲引爲主簿不可

屈子道微與杜景齊友善少厲高行能世其家  
隱居南山終身不窺都邑齊豫章王嶷爲揚州  
辟西曹書佐不至鄉里宗慕之道微兄子摠有  
操行遇饑寒不可得衣食縣令丘仲孳薦之除  
竟陵王侍郎竟不至

**唐**孔述睿梁侍中休源八世孫少與兄弟克符克讓  
篤孝偕隱嵩山而述睿資嗜學大曆中劉晏薦  
於代宗累擢司勳員外郎史館修撰述睿每一  
遷卽至朝謝俄而辭疾歸以爲常德宗立拜諫  
議大夫兼賜第宅固辭久乃改祕書少監以本

子賓客還鄉

宋趙宗萬字仲困少知名錢忠懿器之入朝欲與之俱以親老辭不行既長博極書傳負經濟之術用進士應詔籍於春宮宗萬天資蕭散於世故淡如也壯歲築室於郡之照水坊左瞰平湖前挹秦望畜一鶴號丹砂引以爲侶足跡不及於高門鼓琴讀書怡然自適者三十餘年祥符中詔舉遺逸郡守康戩以宗萬薦尋被召乃曰吾老矣不足以任事因獻跛鼈傳以自見且請自託于道家者流朝廷不奪其志卽其家賜以羽



服後十餘年卒華鎮言宗萬神宇清明識度夷  
曠終日凝淡若嬰兒真方外之士然取捨去就  
之際則確乎有不可奪者善八方草隸書通俞  
扁術或辟穀導氣嘗爲詩曰斗懸金印心難動  
屏列春山眼暫開蓋其志也

王易簡字理得尚書佐之玄孫生而穎異幼喪父  
哀毀如成人益嗜學及冠有聲望登進士第除  
温州瑞安主簿不赴隱居城南讀張子東銘作  
䟽議數百言唐忠介震黃吏部虞見而器之折  
輦行與之交易簡篤倫義事伯姊甚謹尤調恤

其族撫兄之諸孤如其子多所著述

**元**韓性字明善魏公琦之後高祖膺胃始居于越性天資警敏七歲讀書數行俱下日記萬言九歲通小戴禮作大義操筆立就文意蒼古老生宿學皆稱異焉及長博綜群書猶明性理之學其文自成一家四方學者受業其門戶外之屢至不能容其指授不爲甚高論而義理自融見人有一善必爲之延譽不已及辨析是非則毅然有不可犯之色出雖無華軒旅從所過負者息肩行者避道巷夫街叟至於童稚後咸稱爲

韓先生云部使者舉為教官辭不赴縉紳大夫  
 有事于越者必先造其廬得所論述即以為繩  
 準年七十六卒門人南臺御史中丞月魯不花  
 請于朝謚曰莊節所著有禮記說四卷詩音釋  
 一卷書辨疑一卷郡志八卷文集十一卷  
 施鈞字則夫博學能文詩得唐人體有飲水餘味  
 集隱居不仕

呂中字居正性莊默終日危坐未嘗傾側臺署舉  
 為甫里山長不就

**國朝**

王紹原字復初自幼嗜學治毛詩刻意吟詠伯

仲五人值元季兵興經亂離家以傾廢紹原惟  
守淡苦諸弟欲求分異以自便紹原不能已推  
產與之唯取先世基田以供祭祀及海內平于  
所居之旁闢一軒扁曰畊讀與常所往來觴咏  
自娛灑然無世累有畊讀集傳于家

鐫績字孟熙父渙有雅行以詩名績方數歲渙試  
以詩有奇句既長遂擅名一時然素貧轉徙無  
常地所至書齋榜于門得所酬物輒市酒樂  
賓客不事生產計嘗有客至呼茗不卽出恠之  
因入室其妻方拾破紙以代所爨薪家不能具

擔石簞瓢度昕夕晏如也所著有昌陽集霏雪  
錄穿雲集傳於世子師邵性超邁亦工詩辭錙  
氏祖父孫皆以文學高于世世稱爲三錙云

蔡庸字惟中襟度夷曠接人惠而和未嘗有怨言  
愠邑好吟詩與毛鉉唐之淳錙績齊名相偕和  
喜飲酒家貧教授于鄉居有借行軒自號貧笑  
生

王宥字敬助篤學力行潛德弗耀鄉稱隱君子云  
鄭嘉字元亨凝重寡言性至孝母病嘗糞甘苦衣  
不解帶母未復初不就枕篤行好古其詩亦有

古風鄉稱柿庄先生

李勗字文勉性敏達卓犖不羈詩宗晚唐得李商隱之體

羅紘字孟維博學能文性恬靜散逸志行淳慤卓爲後生宗仰及門之士甚衆其著名者張燦輩者二十餘人予周嘗辟儒職不就次于新亦振儒業鄉稱二難新子頎

頎字儀甫性淳璞鮮嗜慾不事華飾承家學敦篤古道子書無所不讀過目輒成誦當其會意時雖食寢亦惘不自覺五經諸子自家上下古

今載紀及老佛諸書釋宮小說罔不析精攬竒  
鈎玄索微著之篇章成一家之言弟子及其門  
者各有所就袞衣博帶從容曳履見貴勢無加  
禮人亦不敢以貴勢加之郡大夫戴公琥崇禮  
隱逸于頴猶注敬焉嘗聘修郡志未成書左叅  
政贊亦以博學自許聞頴名聘至論難相酬應  
扣愈深其出愈不窮贊深嘆服以爲博洽無可  
擬羅氏三世隱梅山各以文學鳴于世紘歿其  
源周新承其流頴益滙而大之著述可稽越人  
士得所師承羅氏于吾越有功哉紘著蘭坡集

十二卷會稽百詠一卷周著梅隱稿十八卷新著介軒集八卷顧所著尤浩繁其易齋札記及諸所訓詁詩話二百餘卷稱梅山叢書

朱純字克粹淳雅有儒行詩清婉風格高古教授于鄉孫節以進士起家貞亮洪雅風度如古人多所引接有經世大志官監察御史按山東振舉憲紀釐整績務奉使職夙夜如不及統兵勦賊卒于師 朝廷憫其死國事贈光祿少卿

吳駟字文英少敏慧博學洽聞才名藉甚工爲古文辭嘗作東山賦典藻不下孫興公師相李西



涯東陽時稱文章宗匠見驪所爲駱賓王廟碑  
嘆賞不能休自京師遺以書幣其志乘傳記諸  
所著作皆得體裁文多可傳世者志  
篤不如諸儒才美亦非諸儒所及故獨以文學  
擅名

夏寅字正寅隱居教授言動莊肅有詩名二子煥  
灼煥操行清介所爲詩多典潤語灼與兄齊名  
人擬之元方季方云

王文轅字司輿七歲時拾遺金一鐲坐待失者歸  
之願昇以半轅笑曰我苟欲金何待汝爲識者